

*CENTRAFRICAIN ;*

*CENTRAFRICAINE ;*

*AITA TI MBI, AMOLENGE TI KODRO.*

*NGBENE YE LANGO BALE USE NA NDO NI OMENE TI NZE TI MVUKA SO E KE DA, LI KODRO TI E BANGUI A YINGUI MINGUI NDALI TI A KPAALE TI NGANGU SO A SARA SI AZO MINGI A KUI, AMBENI AWARA A KOTA KA, SI A KOUNGBA NA A DA TI AMBENI ABUBA MINGI.*

*AKPALE SO KUE A SI NA NDEMBE SO KOTA WAKUA SU TI BE-NDO TI GIGI, A TISSA MBI, TI DUTI NA YA TI KOTA BUNGBI TI DUNIA MOBIMBA, TI BILE NA NDO TI TENE TI KODRO, NA GBE TI LE TI AWA MUNGO MABOKO NA KODRO TI E.*

*MBI BANZA, AKPALE SO A SI SO, ALINGBI TI FA PEPE, NZONI SABANGO TI KODRO TI E, NA LE TI AWANDE SO AKE MU MABOKO NA E.*

*NGBENA YE SO MBI SI NA NEW-YORK, ALA PIKA SAKO MINGI NA NDO TI A NGANGU SO E SARA, SI SIRIRI, NA LENGU SONGO ATONDA TI KIRI YEKE NA YEKE NA KODRO TI E.*

*MAIS, NGBANGA TI NYE SI A DEMON TI KANGBI, TI KENGO TERE NA POPO TI AITA NA ITA, AKU LAKUE GI NA NDEMBE SO MBI HON TI PIKA PATARA NDALI TI KODORO AWE, SI ALA TONDA TI BI AKPALÉ ?*

*A MOLENGUE TI MBI,*

*YE SO A SI NA NDEMBE SO NA KODRO TI E A MOU VOUNDOU MINGUI, NGA NA KAMENE NA A MOLENGUE TI BE AFRICA KWE.*

A YEKE NA VOUNDOU NA BE SI MBI OUNDA NA E KWE MBI TENE : BIANI CENTRAFRICAIN AYE KODRO TI LO NGA LAA ? A SARA TONGA NA GNE SI A MBENI MINGUI A BA GI NZONI TI ALA AHON TI KODRO SO ?

MBI YEKE SARA ANDE KUE, TI FA NA GIGI POLELE, AZO SO ASARA SI AKPALE SO A KIRI A LONDO TI BUBA AYE SO KUE E TONDA TI SARA, NA LEGE TI MABOKO SO AITA TI DUNIA AYEKE MU NA E.

MBI TENE POLELE NGA NGANGU, SO AKE AYE TI KIRIKIRI TI AZO SO AYE SIRIRI APE, A WATO TI KODRO SI ALINGBI SARA SI MBI KIRI NA PEKO APE.

NGBELE YE NA KODRO TI NEW-YORK, MBI YEKE ZI LE TI MBI NZENE NGBONGA NA NZENE NGBONGA NA NDO TI AYE SO KUE AKE TAMBULA NA KODRO. MBI NA KOZO GBELE GBIA, EKE SARA TENE, MBI KE FA NA LO YE SO ALINGBI E SARA TI TENE SIRIRI AKIRI BIAKU NA KODRO.

AKE TONGA SO SI, MBI HUNDA MINGI NA AMOLENGE TI KODRO TI DUTI KPO ,

E ZIA A TIRI SO A KIRI ALONDO NA POPO TI A ITA, BUBANGO NA GBINGO ADA, A KUNGBA TI AZO, TENE TI KIRI NGO NA KODA NA MBA, SO AKIRI ABUBA YA TI LENGU SONGO, DUTINGO NA NDO OKO SO ATONDA NI NZONI NA PEKO TI FORUM TI BANGUI.

A MOLENGUE TI MBI

MBI KANGBI VUNDU NA A SEWA SO AYE TI NGANGU A SI NA ALA, ALA SO AWARA AKA, NGA NA ALA SO, AKUNGBA TI ALA ABUBA.

SI MBI HUNDA NA AZO SO ALONDO NA TIRI TI KAI, SI ALA SARA YE ALINGBI NA KOTA TENE TI FORUM SO E KUE E YE PEKO NI.

E ZI LEGE NA PIKANGO PATARA NGA NA LENGU SONGO AHON SARANGO BIRA.

MBI HUNDA NA AMOLENGE TI KODRO SO AYE KODRO TI ALA, TI SARA KUE SI, SIRIRI AKIRI ME TI HURU WA PEPE, NA NDO TI WA SO A TONDA TI ZA AWE.

MBI HUNDA NA AMESSEKA TI TÉNÉ LÉ TI ALA AZI TI KE NA KURUGO YANGA TI AWA HANDA NDALI TI SO GIGI TI KODRO SO AKÉ TI ALA;

NA AWALI TI BE AFRICA KUE SO ABA PASSI MINGI NA YA TI ABIRA, ZIA SI A LA LONDO TONGANA ZO KO TI TÉNÉ; E YÉ TI BA SO MBÉNI PÉPÉ.

MBI HUNDA NA AMOLENGÉ TI KODRO KUE, NA ABUNGBI TI NZAPA NGA NA AWAGOSINGO SO ANGBA LAKUE TI TIRI TI KANGA LEGE NA APKALÉ TI KANGA LEGUE NA TENE MVÉNE SO AZO TI SIONI BÉ AKE BI NAY A TI KODRO.

TI HUNZI NA NI, MBI HUNDA NA NGANGU NA ATURUGU TI KODRO WANDE SO AGA TI MU MABOKO NA E, TI MU NGANGU NA NGURU GBIA TI BATA BIANI AMOLENGE TI KODRO SO AYEKE NA NGOMBE PEPE, TI GI NA TI ZIA MABOKO NA NDO TI AWA KPALE SO, TI TOKUA ALA NA GBE TI NGBANGA, NGA TI KANGA LEGE NA A MBENI AKPALE SO ALINGBI TI SI.

MBI KIRI MBI TENE, MBI YEKE GUE NA SORONGO FINI GBIA TI KODRO PEPE. TIRI TI MBI AKE TI SARA KUE SI SORONGO FINI GBIA ATAMBULA NA LEGE NI. KA NDA TI A OUSSOU OUSSOU SO KWE A EYEKE NIEN; ALA KANGA BE TI ALA, A NGBA GUI NDJE OTA SENGUE TI TENE MBI ZIA NA ALA MBATA TI GBIA NI.

NA NDEMBE SO, AMOLENGE TI KODRO KUE AKE KU TI GOUE NA VOTE. ZIA SI A WATO A ZIA TI KANGA LENGUE NA A NDJONI KOSSALA SO.

MBI LONDO NA NGANGU NA LI TI MBATA TI KETE NGOI, OUALA A FA MBI AWE, NIEN LA A WATO SO A KE GA NA OUSSOU A LINGBI TI SARA MBIRI MBIRI NA YA TI BIRA?

MALO NA KODRO TI E, NA YA TI SIRIRI NGA NA BEKOU TI LONDONGO TI LO BIANI BIANI;

MBI MU SINGUILA NA ALA KUE.